

Alte Drucke

**GESTA || COLLATIONIS || CHARTAGINI HABITÆ || HONORII
CAESARIS IVSSV INTER || Catholicos & Donatistas coram
Mar-||cellino V. C. Trib. & Not. || P. C. ...**

Masson, Jean Papire

Parisiis, 1589

INCIPIVNT GESTA SECVNDAE COGNITIONIS CVM EDICTO.

Nutzungsbedingungen

Die Digitalisate des Francke-Portals sind urheberrechtlich geschützt. Sie dürfen für wissenschaftliche und private Zwecke heruntergeladen und ausgedruckt werden. Vorhandene Herkunftsbezeichnungen dürfen dabei nicht entfernt werden.

Eine kommerzielle oder institutionelle Nutzung oder Veröffentlichung dieser Inhalte ist ohne vorheriges schriftliches Einverständnis des Studienzentrums August Hermann Francke der Franckeschen Stiftungen nicht gestattet, das ggf. auf weitere Institutionen als Rechteinhaber verweist. Für die Veröffentlichung der Digitalisate können gemäß der Gebührenordnung der Franckeschen Stiftungen Entgelte erhoben werden.

Zur Erteilung einer Veröffentlichungsgenehmigung wenden Sie sich bitte an die Leiterin des Studienzentrums, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

Terms of use

All digital documents of the Francke-Portal are protected by copyright. They may be downloaded and printed only for non-commercial educational, research and private purposes. Attached provenance marks may not be removed.

Commercial or institutional use or publication of these digital documents in printed or digital form is not allowed without obtaining prior written permission by the Study Center August Hermann Francke of the Francke Foundations which can refer to other institutions as right holders. If digital documents are published, the Study Center is entitled to charge a fee in accordance with the scale of charges of the Francke Foundations.

For reproduction requests and permissions, please contact the head of the Study Center, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

urn:nbn:de:gbv:ha33-1-150475



INCIPIVNT GESTA
SECUNDE COGNITIO-
NIS CVM EDICTO.

FLAVIVS MARCELLI-
NVS VIR CLARISSIMVS &
SPECTABILIS TRIBVNVS &
NOTARIVS. *dixit.* Omnium con-
scientia retinetur, id me dudum edicto
proposito fuisse pollicitum, vt quicquid
inter vtriusque partis Episcopos agere-
tur, subinde in publicam notitiam per-
ueniret. Vnde ea quæ interim gesta
sunt, sanctitati vestræ demonstrare cu-
raui, quatenus habiti partem conflictus
etiam oculis iudicetis, & alia manu,
proponatur.

POST CONSVLATVM VARONIS I.
V. C. TERTIO NONAS IUNIAS
IN SECRETARIO THERMARVM
GARGILIANARVM CARTHAGINI,
Adstantibus, Sebastiano, Maximiano
& Petro viris deuotissimis protectori-

COLLATIO

b^o domesticis, Vrso, Petronio & Liboso
 ducenarijs, sed & Bonifacio & Euasio
 apparitoribus illustrium atque eminentium
 potestatum. Fileto apparitore illustri
 comitiuæ sedis, exitioso adiutore
 Cornicularij, Possidio, quod vult Deo
 & Colonic, adiutoribus commetariorum
 officij Domini nostri viri cl. & spectabilis
 Procōsulis: Nauigio adiutore numerum
 Domini nostri v. c. & spectabilis vicarij.
 Nā Pio scriba officij v. c. legati, almæ
 Carthaginis Rufiniano scribæ v. c. curatoris
 celsæ Carthaginis excipientibus etiã
 Hilario & Prætexto exceptoribus Domini
 nostri viri clarif. & spectabilis proconsulis,
 Fatio exceptore Domini nostri viri clarissimi
 & spectabilis vicarij, & Romulo exceptore
 viri clarissimi legati almæ Carthaginis,
 excipientibus quoque Ianuario & Vitale
 Notarijs Ecclesiæ Catholicæ, Victore &
 Cresconio Notarijs Ecclesiæ Donatistarū,
 Libosus Ducenari^o illustriū potestatum
 dixit, quoniam in hodiernum diem cōperendinata
 cognitio est, & præsentibus sunt vtriusque
 partis Episcopi si iubet sublimitas tua
 intromittentur.

FILIVS MARCELLINVS V. C. TRIB. IX.

& NOT. dixit. Veniant & ingressis, Aurelio, Alypio, Augustino, Vincen-
tio, Fortunato, Fortunatiano, Possidio,
Nouato Florentio, Maurentio, Prisco,
Sereniano, Bonifacio, Scillario Deute-
rio, Leone, Asterio, & Restituto Epis-
copis Ecclesiæ Catholicæ, ingressis etiã
ex alio latere, Primiano, Petiliano E-
merito, Prothasio, Montano, Gauden-
tio, Adeodato Episcopis partis Donati.

MARC. V. C. TRIBVN. & NO. dixit. III.

Et superiore iudicio sæpe me obtulisse
certissimum est & nunc deprecor vt se-
dere dignemini, cumque Catholici E-
piscopi confedissent, Petilianus Episco-
pus dixit, quod priore iudicio factum
non est, facere non audemus & alia ma-
nu, Petilianus Episcopus recog.

Marcellinus v. c. Tribu. & Not. dixit,
licet & superiore iudicio me obtulisse
meminerim, tamen illa arbitror tunc
minima factum esse ratione, quia multis
Sacerdotibus cõuenientibus bonis cõ-
fidendi esse non poterat. Vnde quia nũc
definitas video conuenisse personas, de-
precor vt vel nunc sedere dignemini.

COLLATIO

III. PETILIANVS EPISCOPVS *dixit.*
Patribus nostris absentibus non sedemus, maxime cum lege diuina confessus prohibeatur, me cum huiusmodi aduersariis nostris considerare velimus, & alia manu, Petilianus Episcopus recognoui.

V. MARCELLINVS VIR CLARISSIMVS TRIBVNVS & NO. *dixit.*
Si petitionem meam sanctitas vestra audire neglexit, vt cōsidere dignaretur, hoc mihi extorqueri non poterit. quominus stando cognoscam. Cumque Episcopi Catholici surrexissent, atque confessus iudicis auferretur, eiusdem iudicis iussione, & dominus vir clarissimus Tribunus & Notarius steteret.

VI. PETILIANVS EPISCOPVS *dixit.*
Scriptum sit, hoc tuæ voluntatis esse, non nostræ, alia manu, Petilianus Episcopus recognoui.

VII. MARCELLIN. VIR CLARISSIMVS TRIBVNVS & NOTARIVS *dixit.*
Decet me vobis stantibus habere huiusmodi voluntatem, quæ ad reuerentiam tantorum pertinet sacerdotum. Petilianus Episcopus dicit, honorificè feceris,

& alia manu, Petilianus Episcopus recognoui.

MARTIALIS EXCEPTOR *dixit.* VIII.

Cuiusmodi Notariam Episcopi hesternodie Nobilitati tuæ obtulerint, hanc in manibus habemus, si præcipit nobilitas tua recitamus.

MARC. V. C. TRIB. & NO. *dixit.* IX.

Ne quid relatum parti alteri videatur, recitetur.

PETILIANVS EPISCOPVS *dixit.* X.

Episcopos nos veritatis Christi Domini nostri, & dicimus, & sæpe actis publicis dictum est, Donatum autem sanctæ memorię, Martyrialis glorię virum in præcessorē scilicet nostrū, ornamentū Ecclesiæ istius ciuitatis, loco suo meritoque veneramur, & alia manu. Petilianus Episcopus recognoui.

POSSIDIVS EPIS. ECC. CATH. *dixit.* XI.

Episcopos veritatis probare opus est, nō iactare & alia manu, recognoui.

MARC. V. C. TRIBVN. & NO. *dixit.* XII.

Vtrarūque partium prosecutiones gesta retinebunt, & adiecit. Quod præceptum recitetur, Martialis exceptor recitauit. Post Consulatum Varonis viri

COLLATIO

clarissimi quarto nonas Iunij. Filio
Marcellino viro clarissimo & spectabi-
li Tribuno & Notario, Primianus, Pe-
tilianus, Emeritus, Prochafius, Mon-
tanus, Gaudentius, Episcopi & de-
fensores Ecclesiæ veritatis, per Nota-
riam hæc dicunt. Hæsterna die Idibus
Ianuarijs inter nos & aduersarios no-
stros spectabilitas tua audire dignata
est. Et quoniam euoluto pene die par-
tibus patientiam præbens, aliquanta
quæ principia negotij fuerant audire
dignatus es, opusque est ad causam, vt
mandatum quod aduersarij nostri ob-
tulerunt, nobis in notitiam perferatur,
quoniam series actorum propter sui
prolixitatē non potest explicari, ne im-
parati ad iudicium venire videamur, id
mandatum quod aduersarij nostri le-
gendum dederunt, in exemplaribus no-
bis hodie quod est quarto Nonarū die
Iuniarum, dari præcipias, vt instructi
negotio nobis iniuncto adesse valea-
mus, & alia manu. Primianus Episco-
pus huic Notoriæ subscripsi, quarto No-
nas Iunias Carthagini. Filius Marcel-

linus vir clarissimus Tribunus & Notarius dixit, Quoniam ea quæ instructionis gratia postulantur concedi debere perspicuum est, ut nulla cognitionem futuram morarum impedimenta suspendant, mandatum à Catholicis Episcopis datum, sub ea quæ comminus constituta est custodum ad servatione descriptum, vobis tradere maturabit officium, cumque recitasset.

XII.

MARCELL. VIR CLARISSIMVS TRIBVNVS & NO. dixit. Lecta gestis indentur, & adiecit. Quoniam inter multas conditiones, de quibus superiore iudicio definitum est, una illam constat fuisse dilatam, ut sicut ego interloquutionibus meis ita prosecutionibus suis vnusquisque subscriberet, quid de hoc videatur sanctitati vestræ debetis edicere xiiij. Augustinus Episcopus Ecclesiæ Catholicæ dixit. Augustinus Episcopus Ecclesiæ Catholicæ dixit, Nos in hoc consensisse, literis nostris expressimus, & alia manu, recog.

COLLATIO

- xv. MARC. V. C. TRIB. & NOT. *dixit.*
 Quid etiam voluntas partis alterius habeat, intimetur.
- xvi. PETILIANVS EPISCOPVS *dixit.*
 Multum nos sollicitos facit, quod de nobis id quæritur, idque præcipimus facere, quod vsus nunquam habere cõsuevit, & alia manu. Petilianus Episcopus recognoui.
- xvii. FORTVNATIANVS EPISCOPVS
 ECCL. CATHOL. *dixit.* Testatum sit partem aduersam, noluisse, quod edicto nobilitatis tuæ publicatum est & alia manu recognoui.
- xviii. PETILIANVS EPISCOPVS *dixit.*
 Testatum sit vos adhuc Ecclesias plerasque nõ reddidisse nec fecisse satis priori eius edicto, & alia manu, vt superius.
- xix. MARC. V. C. TRIB. & NO. *dixit.*
 Ergo ad integram gestorum fidem contenta est sanctitas vestra custodibus ab utraque parte delectis, qui Notarijs & exceptoribus videntur appositi.
- xx. PETILIANVS EPISCOPVS *dixit.*
 Edantur nobis primitus gesta, tunc respondebimus & alia manu. Petilianus Episcopus recognoui.

ALYPIVS

ALYPIVS EPISCOPVS ECCLE. XXI.
CATHOLICÆ dixit. Dubitatur ergo
vel de fide officij, vel de fide custodum,
& alia manu, recognoui.

MARCELL. V. CLARISS. TRIBVN. XXI.
& NOT. dixit. Ad hoc etiam consensif-
se sanctitatem vestram, superiorum ge-
storum fides euidenter ostendit.

PETILIANVS EPISCOPVS XXI.
dixit. Legamus & recenscamus, & alia
manu, vt superius.

MARC. VIR CLARISSIMVS XXI.
TRIBVNVS & NOTARIVS dixit.
Et de custodibus ab vtrâque parte dele-
ctis, & ad quam partem fuerit dilata co-
gnitio, ab officio recitetur.

EMERITVS. EPI. dixit. Si iubes Pe- XXI.
tilianus Episcopus dixit, edantur nobis
primitus gesta, relegantur à nobis, recē-
seantur verba nostra, & aduersariorum
instructio, sic legibus semper cōcessa est
hæc est humanitas rerum, & alia manu.
Emeritus Episcopus recognoui.

FORTVNATIANVS EPISCOPVS XXI.
ECCLESIE CATHOLICÆ dixit.
Quamuis recens actio nullum potuerit
præterire, tamen ex hoc sensus nobili-

COLLATIO

tatis tuæ volumus esse edoctos, vt intelligentur iam dilatione quadam ad causam negotium nolle venire, & alia manu, recognoui.

xxviii. MARC. V. C. TRIB. & NO. dixit. Legatur quod præcepti, vt nouerim ad que mariculum sit delata cognitio. Emeritus Episcopus dixit. Si iubes ad hoc competit mihi. Marcellinus vir clarissimus Tribunus & Notarius dixit, Age.

xxix. EMERITVS EPISCOPVS dixit. Sunt quidem humana ingenia ita velocitate sui prompta, vt vel visu vel auditu facili cuncta capiant, quæ in eorum notitiam perferuntur, sed hoc doctis fortè aut eruditis viris pro rei ipsius qualitate permixtum sit, me autem ad hanc rem minus idoneum esse profiteor. Quis enim leuem vocem & facilem sermonem ipso pene at ne transeunte, aut sensu retinere aut concipere potest? vir nobilis ad tractatum omnem disceptationemque & verba & sensus & interiora sint negotij pertractanda, ergo cum de scheda legitur, & leues voces aura quodammodo ventilantur

sensus nostri capere & retinere non possunt. Vbi hoc aut cui concessum est, si hac foelicitate ingenij gaudent, non se iactent de arrogantia memoriae suae. Mihi autem non competit nisi saepius repetere, & diuturna lectione edoceri, vt fidem veri & quae dixerim relegam, & quae aduersarius obiecit aduertam. Intelligis ita rem esse gestorum, adeo memoriae scripturarum per literas digeruntur, ne sola memoria quae capax esse non potest obliuione decepta quid gesserit nesciat. Neque enim aliter sapientia prouidente scripturatum notitiam monumentisque publicis prouisa est, nisi vt ex lectione quae per silentium forte, aut per longum tempus, aut per ipsorum actuum continuationem minus capiam quod minus intelligi potest, & ex lectione & ex ipso assiduo tractatu possit agnosci, quid sit iudicio ventilatum. Vides ergo vir nobilis iusta nos deposcere, nec per transitum causam debere ventilari, sed editis gestis in notitiam nostram datis, vniuersis pertractatis, causam

COLLATIO

debere cognoscere, & alia manu, vt superius.

XXIX.

POSSIDIUS EPISCOPVS ECCLESIAE CATH. *dixit.* Scriptum est, ex multiloquio nō effugies peccatum. Hoc quoniam nos ante oculos habemus, Deo inspirante verbosi videri nolumus. Itaque si placet ad causam veniatur quæ proximè agi potuerit, & definiri, moratorias autem prosecutiones & cum duceret. Et alia manu. Recognoui. Marcellinus vir clarissimus Tribunus & Notarius *dixit.* Legatur quod præcepi.

XXX.

EMERITVS EPISCOPVS *dixit.* Sicut de scriptura proposuit scriptū est nobis, sapientia abscondita, Thesaurus inuisus, quæ utilitas in vtroque? Et alia manu. Emeritus Episcopus recog.

CXCI.

POSSIDIUS EPIS. ECC. CA. *dixit.* In multiloquio nunquam fiat sapientia, & alia manu, recognoui.

XXXII.

MARTIALIS EXCEPTOR EX CODICE *recitauit.* Nobilitas tua *dixit* quoniam diei penè omnem partem constat emensam, idcirco vtrum ex communi consensu differri negotium placeat, intime-

tur, ab vtrisque partibus. Dicitur est placet, quoniam iam iste dies videtur emensus. Nobilitas tua dixit. In quē diem hęc ipsa comperendinatio differatur, pars vtraque designet. Alypius Episcopus Ecclesię Catholice dixit. Sicut edicto nobilitas tua prescripsit, crastino intermisso propter descriptionem schedarum perēdie si precipis obseruemus Adeodatus Episcopus dixit. Etiam nos consentimus vt perendino die negotium peragatur. Nobilitas tua dixit, sicut partibus placuit, perendino die negotium repetetur, & cum recitasset, Marcellinus vir clarissimus Tribunus & Notarius dixit. Videt sanctitas vestra, contra proprios vos venire non posse consensus, vnde, causa dicatur.

EMERITVS EPISCOPVS dixit. XXXIIII.

Non adeo immemores sumus vt contra nostrā veniamus nec ego hic incuriam officij aut exceptorum negligentiam damno, vbi intelligo prolixitate gestorum diem minime occurrere potuisse. Quod si factum est, & explicitis omnibus gesta res est, quod non in notitiam nostram quę acta sunt perfe-

COLLATIO

runtur? Cum enim nobilitas tua ea quæ recenferi iussit ab officio fuerint ventilata, necesse ut acceptis vniuersis tractem discutiamque, quibus causis quibûsue modis debeam respondere. Tantam etenim ex mandato illorum confusionem causæ esse cognoui, ut & de præteritis instrui debeam, & agnoscam de præsentibus, cui debeam respondere, & alia manu, Emeritus recognoui.

xxxiii.

MARC. VIR CLARISSIMVS TRIBVNVS & NOT. dixit.

Licet professio sanctitatis vestræ sola sufficiat, tamen quicquid vobis ad instructionem plenissimam credidistis posse sufficere, hesternæ die & postulasse vos & accepisse non dubium est. vnde, nunc ad causæ meritum veniatur.

xxxv.

PETILIANVS EPISCOPVS dixit. Aduertit sublimitas tua exceptionem ex codicibus legisse quod nudiustertiana die vel promissum fuerit vel pronunciatum. Ex qua re magis agnosco acta adhuc exposita non fuisse. Quod si exposita sunt & parata, idem exceptor

respondeat. Proferat gesta, subscribe, tractamus, postea respondemus, & alia manu. Petilianus Episcopus recognoni.

XXXVI.

MARCELLINVS VIR CLARISSIMVS TRIBVNVS & NOTARIVS. *dixit.* Studium dilationis agnosco, & mutatæ voluntatis iudicium. Potuerat enim sanctitas vestra, ex magnitudine gestorum vthodie negotium differretur superiori iudicio postulare. Huc additur, quod ea quæ vobis ad plenissimam instructionem sufficere credidistis, hesternodie edi vobis, data notoria postulastis.

XXXVII.

PETILIANVS EPISCO-
PVS *dixit.* Dicant exceptores, vtrum exponere vna die potuerint, quod vna die videtur esse confectum & alia manu vt superius.

XXXVIII.

MARCELLINVS VIR CLARISSIMVS TRIBVNVS & NOTARIVS DIXIT. Exceptores vtrum hesternodie omnia potuerint in schedis gesta describi, apud acta

COLLATIO

designent. Martialis exceptor dixit. Ad huc partem in codicibus habemus. Si quidem etiam ij Episcopi qui nobis custodes dati sunt, non nesciunt.

XXVIII.

PETILIANVS EPISCOPVS dixit. Accepit sublimitas tua ex responsione officij, acta adhuc digesta non esse in paginas, necesse quod pars vtraque legat atque recenscat, nec dari aut reuocari memoriae paululum possit. Proinde sublimitas tua, vt quoniam res honesta postulatur, largiri dignetur quod petimus, vt gesta, ex more edantur, legamus vt respondere possimus, & alia manu. Petilianus Episcopus recognoui.

XI.

ALIPVS EPIS. ECC. CATH. dixit. Longitudo gestorum magis in numero & responsione vtriusque partis Episcoporum est, quam in aliqua commendatione negotij, nihil ergo est vnde causeatur pars diuersa. Aut hodie cognitio differatur. Praecipue quia etiam ipsi professi sunt ad hodiernum die defferendum fuisse negotium, & alia manu recognoui.

XLI.

MARCELLINVS VIR CLARISSIMVS TRIBVNVS & NO. dixit. Vt iterum partibus euidenter appareat,

venerabilium virorum denuo professio recitetur. Petilianus Episcopus dixit, unde recitabitur? & alia manu ut superius.

IIII.

MARCELLIN. VIR CLARISSIMVS TRIBVNVS & NOTARIVS dixit.

Ergo quæ codicibus tenentur inserta cum tanti sacerdotes custodes appositi fuerint, in dubitationem aliquam existimant deuocanda.

V.

PETILIANVS EPISCOPVS dixit, Notas non nouinus, neque ea natura rerum est, atque ipsarum ut ita dixerim literarum, ut quisquam notas legat alienas. In codicibus legere non possumus, nisi edita fuerint gesta in paginis, non habeo quod tractem, non habeo quod legam, & alia manu, ut superius. Marcellinus vir clarissimus Tribunus & Notarius dixit, ut dictum est, iterum venerabilium virorum professio recitetur.

VI.

MARTIALIS EXCEPTOR EX CODICE ITERVM dixit. Quoniam dici pene omnem partem constat emensam, idcirco utrum ex communi consensu differri negotium placeat intimetur ab utrisque partibus. Dictum est placet, quoniam iam iste dies videtur emensus. No-

VII.

COLLATIO

bilitas tua dixit, in quem diem hæc ipsa comperendinatio differatur, pars vtraque designet. Alypius Episcopus Ecclesiæ Catholicæ dixit. Sicut edicto nobilitas tua præscripsit, crastino intermisso propter descriptionem schedarum, perendie si præcipis obseruemus. Adeodatus Episcopus dixit. Etiam nos consentimus, vt perendie negotium peragatur. Sublimitas tua dixit, sicut partibus placuit, perendino die negotium reperetur & cum recitaret. Petilianus Episcopus dixit. Vnde leget?

XLV.

MARCELL. VIR CLARISSIMVS TRIBVNVS & NO. dixit. Quid super hac parte legum sit auctoritate definitum, sanctitatem vestram arbitror non latere, cum contra proprios non liceat venire consensus. Vnde ne qua fortè de exceptoribus officij fraude suspecti sint, ex tabulis Notariorum Ecclesiasticorum hæc eadem conditio relegatur.

XLVI.

EMERITVS EPISCOPVS dixit. Ingredientibus nobis nobilitas tua in-

terfari dignata est. Si edictis propositis adhiberemus assensum, & vtrum subscriptiones nostras accommodaremus propriis prosecutionibus, cui rei satisfaciam non aduerto. Tenet me enim propositum nobilitatis tuæ, quo me subscriptionem indere gestis, & vniuersa quæ publicè acta sunt, publicè proponi promisisti. Nunc autem cogor agere, & ante agnitionem gestorum in negotium præcipitari. Quæ ista sunt, quid primum eligam nescio quod votum iudiciorum tuorum teneam non agnosco. Si subscribendum est paginæ, edatur pagina, vt subscribi possit. Si huius rei est facienda factura, edictum tuum omne vacillabit, quicquid proposuisti in publicam conscientiam destruetur. Dixisti enim, ex subscriptione nostra & ex sublimitatis tuæ adnotatione cuncta quæ gesta sunt in notitiam publicam debere differri. Prius est ergo vt ea quæ gesta sunt recitentur, & publicentur, & agnoscantur, vt ex iudicio tuæ

COLLATIO

sublimitatis ad cætera quæ sunt negotij veniatur, & alia manu. Emeritus Episcopus recog.

XLVII.

MARCELLINVS VIR CLARISSIMVS TRIBVNVS & NOT. *dixit.*
Sicut interloquutus sum ab Ecclesiasticis Notariis ea quæ ab exceptoribus officij recitata sunt percurrantur.

XLVIII.

PETILIANVS EPISCOPVS *dixit.*
Tene modum tuum vir nobilis, tene promissam sæpe iustitiam. Nam cum à parte nostra nudius tertiana die fuisset obiectum, quod dies legitimus causæ ià videretur fuisse transactus, & à causa cecidisse eos qui nos in iudicium vocauerunt, coacti sumus id velle, vt recedentes ab eadem conditione in tempus præsens consentire videremur. Nemo mihi sit hac in parte ingratus vir nobilis nam si ego concessi tantum idem temporis saluis his, tamem si illi adstipulationibus suis nõ fuerint refragati, quur mihi breue non conceditur tempus, vt scribantur gesta, vt subscribatur à sublimitate tua, videamque ac perlegam cui rei subscribere debeam, percipiamque ac recipiam meos scilicet sensus, aduersa-

fariorum quoque calliditatem subtilē-
que argutiam, vt scilicet plenissimè in-
structus, intentionibus eorum valeam
respondere. Humanum esse arbitror at-
que iustum, ne dederis vir nobilis huic
rei atque huic iustissimæ petitioni ali-
quid quod in sollicitudinem habeam.
Siquidem te iustissimum promiseris, &
nos id credere sit necesse, si tamen iusta
nobis nullatenus denegentur, & alia
manu. Petilianus Episcopus recog.

MARCELLINVS V. C. TRIBV- XLIX

NVS & NOTARIVS DIXIT.

Hæc rectius & iustius præterito iudicio
debuerant postulari, in quo ex consen-
su vtriusque partis in hunc diem dilata
cognitio est. Vnde ab Ecclesiasticis No-
tariis ad quam partem fuerit dilata co-
gnitio recitetur. Petilianus Episcopus
dixit. Ergo circumuenti sumus, & alia
manu vt superius. Augustinus Episco.
Ecclesiæ Cathol. dixit. Non est nostra
causa factum, quod nobis volunt impu-
tare fratres nostri, è diuerso sistentes, &
cum diceret, & alia manu, recognoui.
Petilianus Episcopus dixit. Iniuriam
nobis facis, & alia manu, vt superius.

COLLATIO

Edictum nobilitatis tuæ sic se habet, quartum mensem concludi ad diem Calendarum Ianuarij. Ante autem nos venimus, & ipsi qui videntur nobis hinc facere inuidiam, octauo Calendas Iunias mandauerunt, cum utique si ante diem venerant, ante ipsum diem mandare debuerunt. Legatur etiam ipsius Primiani professio, ad quem diem se pollicitus est occursum, & soluatur ista quæstio, de qua nobis item apud populum magna inuidia concitata est, & alia manu, recognoui.

27.

MARCELLINVS VIR CLARISSIMVS TRIBVNVS & NOT. *dixit.* Hæc superiore iudicio determinata iam constat, præsertim cum personæ ab utraque parte videantur esse firmatæ, & tamen si cum causa cœperit retractari, putauerit hæc sanctitas tua relegenda, tunc rectius relegentur. Quamuis superfluum sit, vt post confirmationem personarum hæc denuo retractentur. Vnde vt interfatus sum, ab Ecclesiasticis Notariis quod præceptum est recitetur.

EMERITVS EPISCOPVS LII.
dixit. Scriptum sit tunc nos in diem
 consensisse, cum isti suam retinuerint
 voluntatem, & aliam manu, vt supe-
 rius.

MARCELLINVS VIR CLARISSI- LIII.
 SIMVS TRIBVNVS & NOT. *dixit.*
 Susceptæ tabulæ ab Ecclesiasticis No-
 tariis recitentur. Cumque intra Saba-
 num volumen schedæ membranarum
 pro parte descriptum & codices ta-
 bularum pariter obsignati. Iudicia-
 rijs offerrentur aspectibus Marcellinus
 vir clarissimus Tribunus & Notarius
 dixit. Custodes edicant vtrum signa
 cognouerint. Leo Episcopus, Eccle-
 siæ Catholicæ dixit. Agnosco sigil-
 lum meum. MARCELLINVS
 Vir Clarissimus Tribunus & Nota-
 rius dixit. Quoniam ab vtraque parte
 impressionem signorum agnitam con-
 stat, ea quæ præcepi à Notariis rele-
 gantur.

PETILIANVS EPISCO-
 PVS DIXIT. Sic solent testa-
 menta non gesta referari, & alia ma-
 nu vt superius.

COLLATIO

LVI.

MARCELLINVS VIR CLARISSIMVS TRIBVNVS & NO. *dixit.*
 Quod propter sollicitudinem partis vtriusque factum est, & ex communi consensu, non decet reprehendi. Petilianus Episcopus dixit. Non reprehendo cautelam, sed Peto consuetudinem rerum, vt gesta legitima exponantur, vt legi ac pertractari possint. Quæ res vrget, quid festinatur? & alia manu. Petilianus Episcopus recog.

LVI.

AVGVSTINVS EPISCOPVS ECCL. CA. *dixit.* Hoc solum constet, ipsos rem velle differre, vt concedat sublimitas tua, petimus te, Humanum est, cõsiderare volunt, discutere volunt, paratiores volunt venire, ne nolentes differre prolixiora gesta faciamus, & ipsa gestorum prolixitas maiores nobis moras incutiat, & alia manu, recog.

LVII.

MARC. V. C. TRIB. & NO. *dixit.*
 Et vt in hunc diem cognitio differretur vtriusque partis constat fuisse consensum, quod video hodie prodesse non posse interim vt præcepi ab Ecclesiasticis Notariis ad quam partem fuerit dilata cognitio recitetur.

PETIL

PETILIANVS EPISCOPVS *dixit.* LVIII.

Scriptum sit hoc non nostro vitio fieri,
sed tantum quod Notarij occurrere nō
potuerunt, vel exceptores, & alia manu.
Petilianus Episcopus recog.

MARC. VIR CL. TRI. & NO. *dixit.* SIX.

Recita Ianuarius Notarius Ecclesiæ Si-
ticensis partis Donati ex codice recita-
uit. Nobilitas tua dixit edicat officium
quantum iam dici videatur emensum.
Rufinianus scriba viri clarissimi cura-
toris dixit, exemptæ sunt horæ vnde-
cim diei. Nobilitas tua dixit. Quoniam
diei penè omnem partem constat emē-
sam, idcirco vtrum ex communi con-
sensu differri negotium placeat intime-
tur, ab vtraque parte dictum est, Placet,
quoniam iste dies videtur emensus. No-
bilitas tua dixit, in quem diem hæc ipsa
comperendinatio differatur, pars vtra-
que designet. Alypius Episcopus Ec-
clesiæ Catholicæ dixit. Sicut edicto no-
bilitas tua præscripsit, crastino intermis-
so propter schedarum descriptionem
perendie si præcipis obseruamus. Adeo-
datus Episcopus dixit, etiam nos con-
sentimus, vt perendino die negotium

COLLATIO

peragatur. Sublimitas tua dixit, sicut partibus placuit perendino die negotiū repetetur, & cum recitaret.

XX. MARCELL. VIR CLARISSIMVS TRIBVNVS & NO. *dixit.*
Vtrarūque partium professione monstratum est, in hunc diem cognitionem fuisse dilam, item hodie negotiū tractaretur. Petilianus Episcopus dixit, si perfecerunt gesta exceptores agatur, & alia manu vt superius.

LXI. MARCELLINVS VIR CLARISSIMVS TRIBVNVS & NOT. *dixit.*
Licet apertissimis fuerit professionibus designatum in quem diem dilatum esset iudicium, tamē ne quid ei parti quæ dilationē postulat negatum esse videatur, cognitio differatur, itant edicat in quē diem debeat iudicium protelari.

LXII. PETILIANVS EPISCOPVS *dixit.*
Dicant exceptores quando edituri sunt gesta. Et alia manu. Petilianus Episcopus recognoui. Marcellinus vir clarissimus Tribunus & Notarius dixit. Exceptores quando possunt in schedis gesta conscribi & edenda compleri edicere non morentur. Hilarus exceptor dixit.

Sicut consensus accessit vtrarūque partiū, dum in schedas prosecutiones suas subscripserint, tunc demum diem edendorum gestorum possumus edicere.

MARCELLINVS VIR CLARISSIMVS TRIBVNVS & NOT. *dixit.* LXXIII

Possunt hodie schedæ vel ab officio compleri vel ab vtraque parte subscribi. Hilarus exceptor dixit, hodie schedas complemus.

MARC. V. C. TRIB. & NO. *dixit.* LXXIII

Quoniam suggestit officium hodie se schedas posse complere, edicat sanctatis vestra, vtrum hodie vel crastino die sit parata subscribere. Adeodatus Episcopus dixit, cum nobis scheda oblata fuerit, subscribemus. Et alia manu. Adeodatus Episcopus recognoui.

MARC. V. C. TRIB. & NOT. *dixit.* LXXV

Edicat nūc officiū, post subscriptionem schedarum etiā in editiōe gestorū quot dierū sufficere possit sine vlla excusatione dilatio. Hilarus exceptor dixit, si crastino die subscripserint vel hodie, possumus die noctuq; inuigilantes, post tertium diem gesta edere, itant Notarij eorum nobis de scheda subscripta dicent.

COLLATIO

Marcellinus vir clarissimus Tribunus & Notarius dixit. Quis iste dies sit ab officio designetur. Rufinianus scriba viri clarissimi curatoris dixit. Hodier-
 nus dies, est tertius nonas Ianuarias. Marcellinus vir clarissimus Tribunus & Notarius dixit. Diem quæro quo edi-
 gesta promissum est, Hilarus exceptor dixit. Possumus gesta edere septimo I-
 duum Ianuarij die.

EX VI.

MARC. V. C. TRIBVN. & NO. dixit. Licet iam de professionibus dubietas mihi magna nascatur, tamen denuo v-
 trum sexto iduum Iuniarum die omni-
 bus ambagibus amputatis negotium sit
 principale tractandum, pars vtraque de-
 signet. Augustinus Episcopus Ecclesiæ
 Catholicæ dixit. Nos & hodie volumus
 & si fieri posset vellemus, tamen quia
 humanum fuit hoc cōcedere fratribus
 nostris, quod nobis non iniuste viden-
 tur postulasse, ad diem sextum Iduum
 Iuniarum adiuuante domino Deo no-
 stro affuturos nos ad peragendum prin-
 cipale negotium Ecclesiæ pollicemur,
 & alia manu, recognoui. Marcellinus
 Vir Clarissimus Tribunus & Notarius

dixit. Etiam pars alia quid volūtatī habeat dignetur edicere.

EMERITVS EPISCOPVS dixit. XVI

De professionibus nostris nulla est ambiguitas, quantum autem ad instructionem fieri debere in iudicio flagitamus, aduertit nobilitas tua, nos iusta & legitima postulasse. Diem autem statutum hoc est sextum iduum Iuniarū si Deus iusserit obseruabimus ita tamen vt acceptis gestis nobis largiatur aliquid æquissimus iudex, quo possit esse tractat⁹, & alia manu, Emeritus Episcopus recognoui. Marcellinus vir clarissimus Tribunus & Notarius dixit septimo Iduum Iuniarū die matutinis horis vobis gesta tradentur. Edicite vtrum alia die id est sexto iduum Iuniarum adesse dignemini vt principale negotium peragatur, Emeritus Episcopus dixit. Aderimus ad iudicium, si quæ statuit nobilitas tua habuerint effectum, & alia manu, Emeritus Episcopus recog.

MARCELLIN. VIR CLARISSIMVS LXVII.

TRIBVNVS & NOTARIVS dixit.

Memores periculi & professionis propriæ exceptores constituto die, matuti-

COLLATIO

nis horis id est septimo Iduum Iuniarū,
gesta edere festinabunt, itant Notarij
partis vtriusque in dictando non desint.
Sciat autem vtraque pars officio se ca-
uere debere de perceptione gestorum
hora pariter designata. Secerdorale ve-
rò est, vt amputatis ambagibus nulla
morarum impedimenta neētentur.

LXXI.

ALYPIVS EPISCOPVS ECCL.
CATHOLICÆ *dixit.* Secundum præ-
ceptum nobilitatis tuæ, cum gesta sus-
ceperimus de subscriptione & de tem-
pore consequenter cauebimus, & alia
manu, recognoui.

LXX.

EMERITVS EPISCOPVS *dixit.*
Cum oblata nobis fuerint gesta, satisfa-
cimus iudicatis, & alia manu. Emeritus
Episcopus recog.

LXXI.

MARC. VIR CLARISSIMVS
TRIBVNVS & NOTARIVS *dixit.*
Etiam istius dici gesta, neque possit esse
denuò causatio eadem die edere vobis
festinabit officium.

LXXII.

ALYPIVS EPISCOPVS ECCL.
CATHOL. *dixit.* Multa nudiuertiana
die falsa iactata sunt, ne huiusmo-
di illusionibus populus perturbatur.

Petimus vt ipsos petisse dilationem nobilitatis tuæ edicto noscatur, & alia manu, recognoui.

MARCELLINVS V. C. TRIBVNVS & NOTARIVS DIXIT. Ea quæ populus loquitur sanctitatem vestram promouere non concedet, tamen sicut edicto meo definitum est gesta proponentur, & infrà. Hilarus & Martialis exceptores edidimus, & hæc similiter vt suprâ emendaui.

EXPLICIUNT GESTA
SECUNDÆ COGNITIONIS
VBI DONATISTÆ DILA
TIONEM PROPO
SVERUNT.

q iiii